

PATRIARCHATUS CONSTANTINOPOLITANI. 237

JASSUS eidem Notitiæ & Ptol. ibid. *S. Pietro* quibusdam vulgò dicitur. *Themistius* Jassi Episcopus subscripsit Concilio Ephesino.

¹ BARGYLA Plinio lib. 5. cap. 29. Bargylia Ptol. ibid. quæ Barbyla eidem Notitiæ. *Dardanius* Bargylæ Episcopus subscripsit Conc. Chalc.

ALICARNASSUS eidem Notitiæ & Ptol. ibid. ubi olim Zephyra dicta scribitur, vulgò *Messi* Sophiano, & Nigro *Castel di S. Pietro*. *Julianus* ejus Episcopus dicitur apud Theodor. Lector. lib. 2. Collectan. & *Calandion* subscripsit Conc. Chalcedon.

LORYMA Ptol. ibid. mendosè Larima eidem Notitiæ, vulgò dicitur *Ma-* *xi* teste Nigro. *Georgius* Episcopus Lorymorum in Caria Concilio Constantinop. generali sexto subscripsit.

GNYDUS Ptolem. ibid. & Cnydus eidem Notitiæ, vulgò *Capo Chio* teste Sophiano, & aliis *Stadia*. *Joannes* Gnidi Cariæ Episcopus subscripsit Concilio Chalced. necnon *Euander* Synodo quintæ generali.

MYNDUS eidem Notitiæ & Ptol. ibid. vulgò *Mentese* Leunclavio. Ex ejus Episcopis *Archelaus* subscripsit Concilio Ephesino, & ² *Alphius* Chalcedonensi.

CERAMUS eidem Notitiæ, & Ptolem. ibidem. ³ *Spudafius* Ceramensis Episcopus subscripsit Concilio Ephesino.

ANASTASIOPOLIS libro Conciliorum. *Elpidophorus* Anastasiopolis Cariæ Episcopus subscripsit quintæ Synodo generali.

ERISI vel Eriza Livio lib. 36. urbs est in Caria, ut putat Ortelius. *Papias* Erisorum Episcopus Concilio Chalcedon. subscripsit.

MILETUS Ptol. vulgò *Melaxo* dicitur, teste Molano & aliis. Ex ejus Episcopis *Eusebius* subscripsit Conc. Nicæno primo.

PROVINCIA CYCLADUM INSULARUM.

RHODUS Notitiæ antiquæ Græcæ & Ptolem. lib. 5. cap. 2. ⁴ *Euphrosynus* Rhodiensis Antistes subscripsit Concilio Nicæno, *Joannes* Rhodi Insulæ Metropolitanus legitur in Concilio Chalcedonensi, & *Esaias* in Relatione Synodi Constantinop. sub Hormisda.

SAMOS Ptol. ibidem, vulgò *Samo*. *Isidorus* Episcopus Sami in Insulis Cycladibus est in Concilio Chalcedonensi.

CHIOS Ptol. ibid. & lib. 3. cap. 15. vulgò *Scio*. *Triphon* Episcopus Chii in Insulis Cycladibus legitur in eodem Chalcedonensi Concilio.

COS vel COOS Ptol. ibid. & lib. 3. cap. 15. vulgò *Lango*. *Melipbron* Episcopus Coos in Insulis Cycladibus Concilio Nicæno subscripsit, & *Julianus* Epistolam scripsit ad Leonem Imperatorem, quæ extat parte 3. Concilii Chalcedonensis.

NAXUS Ptol. lib. 3. cap. 15. & Naxia dictæ Notitiæ Græcæ. *Paulus* Episcopus Naxiæ in Insulis Cycladibus Concilio Constantinopolitano sub Agapeto & Menna subscripsit.

PAROS Ptol. ibid. vulgò *Paro*. *Athanasius* Episcopus Pari in Insulis Cycladibus Concilio Ephesino subscripsit, & *Theodorus* Constantinopolitano sub Agapeto & Menna.

THERA dictæ Notitiæ & Straboni ubi supra, quæ & Therasia dicitur aliis, vulgò *Santorius* Sophiano. *Dioscorus* Therasiæ Episcopus Sardicensi

G g 3

Con-

NOTÆ LUCE HOLSTENII.

¹ *Bargyla* Plin. lib. 5. c. 29.] & Stephano.

² *Alphius*] scribend. *Alpheus*.

³ *Spudafius Ceramensis*] in Græco *Κεραμῖν* Act. 10.

⁴ *Euphrosynus &c. subsc. Concil. Nicæno.*] Hellenicus Ephesino.